



**Գրամաշնորհային աջակցություն «Մարդկային անվտանգության ծրագրերի» համար ՖՏ 2021.
«Գարգառ գյուղում խմելու ջրամատակարարման համակարգի և հանրակրթական դպրոցի
վերանորոգման ծրագիր»**

Երևան՝ 31 հունվարի, 2025թ.

2025 թվականի հունվարի 31-ին Գարգառի դպրոցում տեղի ունեցավ «Գարգառ գյուղի խմելու ջրի մատակարարման համակարգի և հանրակրթական դպրոցի վերանորոգման ծրագրի» ավարտական արարողությունը: Արարողությանը ներկա էին Հայաստանում Ճապոնիայի դեսպան պարոն Աոկի Յուտական, Լոռու մարզպետի տեղակալ պարոն Գոռ Ասրյանը, Գյուլագարակ համայնքի ղեկավար պարոն Խաչիկ Վարդանյանը, Գարգառի գյուղապետ պարոն Գոռ Աղաջանյանը, ինչպես նաև այլ պաշտոնյաներ և տեղի բնակիչներ:

Այս ծրագիրը նպատակ ուներ նպաստելու մարզում կրթության և կյանքի որակի բարելավմանը՝ վերանորոգելով Լոռու մարզի Գարգառ գյուղի միակ դպրոցի (հիմնանորոգման տարածքը՝ 207.80 մ²) դպրոցական շենքը և բարելավելով գյուղի ջրամատակարարման համակարգի մի մասը (ջրատարի ընդհանուր երկարությունը՝ 710մ)՝ դրանով իսկ ապահովելով գյուղի դպրոցի և հասարակական այլ օբյեկտների անվտանգ ջրամատակարարումը: Դպրոցի վերանորոգումը վերացրել է հերթափոխով դասավանդման (առավոտյան և կեսօրվա պարապմունքներ) անհրաժեշտությունը՝ հնարավորություն տալով բոլոր 170 աշակերտներին սովորել մեկ հերթափոխով: Բացի այդ, փոխարինելով հին ջրատարները, որոնք թվագրվում են խորհրդային ժամանակաշրջանին, հնարավոր է դարձել անվտանգ ջրամատակարարում հանրային հաստատություններին, ինչպիսիք են բժշկական հաստատությունները և դպրոցները:

Լոռու մարզպետի տեղակալ պարոն Գոռ Ասրյանը նշեց. «Ճապոնիայի աջակցության շնորհիվ բարելավվել են ջրային ենթակառուցվածքները, ինչը հանգեցրել է մարդկանց կյանքի որակի բարձրացմանը: Ավելին, դպրոցի շենքի վերանորոգման շնորհիվ մենք կարողացել ենք անցում կատարել մեկ հերթափոխով դասապրոցեսի, և աշակերտների սովորելու մոտիվացիան նույնպես մեծացել է: Ես կցանկանայի իմ երախտագիտությունը հայտնել Ճապոնիային և հաջողությամբ ներգրավված բոլոր շահագրգիռ կողմերին այս ծրագրի հաջող իրականացման համար»:



Դեսպան Առկին
շնորհավորեց ծրագրի շահագրգիռ կողմերին



Լոռու մարզպետի տեղակալ Գոռ Ասրյանը
շնորհավորեց ծրագրի շահագրգիռ կողմերին



Դեսպան Առկին ուսումնասիրեց վերանորոգված
դասարանները



Աշակերտները շնորհակալություն հայտնեցին ծրագրի
կազմակերպիչներին